



## Akademik otkrio dilere skanka

Pripadnici Državne **agencije za istrage i zaštitu SIPA** su, pod nadzorom Tužilaštva BiH i u saradnji sa Obavještajno-sigurnosnom agencijom BiH, te policijskim službenicima Granične policije BiH i Ministarstva unutrašnjih poslova Republike Srpske, jučer proveli akciju kodnog naziva Akademik tokom koje su uhapšene dvije osobe.

Nezvanično saznajemo da su privedeni Milosav Samardžić (1975) i Zoran Mandić (1987), obojica iz Sarajeva, u čijem je vozilu pronađeno 14 kilograma skanka.

Njihovo hapšenje je izvedeno na području Banje Luke, a osumnjičenima je na teret stavljeno krivično djelo organizovani kriminal u vezi sa krivičnim djelom neovlašteni promet opojnih droga.

Droga je, kako saznajemo, pronađena u posebno napravljenom skrovištu iza zadnjeg sjedišta vozila passat u kojem su se nalazili osumnjičeni. Tokom akcije su obavljene pretrese i u Istočnom Sarajevu i u Trebinju, te je tom prilikom nađena i oduzeta puška M-48 sa 369 komada municije kalibra 7,9 mm, nekoliko mobitela i drugih predmeta koji mogu poslužiti kao dokaz u daljem postupku. Nakon što budu saslušani, osumnjičeni će biti predati u nadležnost banjalučkog Okružnog tužilaštva, a potom će postupajući tužilac odlučiti o tome da li će ići prijedlog Sudu za određivanje pritvora ili će biti pušteni na slobodu. Oduzeti predmeti bit će poslani na vještačenje. **A. B. Č.**